



## MODELO 651

### IMPUESTO SOBRE SUCESIONES E DOAZÓNS.

### AUTOLIQUIDACIÓN DE DOAZÓNS

### INSTRUCCIÓN

## CUESTIÓNS XERAIS

### Normativa reguladora

- [Lei 29/1987, do 18 de decembro, do imposto sobre sucesións e doazóns](#) (en diante LISD)
- [Real decreto 1629/1991, do 8 de novembro, polo que se aproba o Regulamento do imposto sobre sucesións e doazóns](#) (en diante RISD)
- [Decreto legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado](#) (en diante Decreto legislativo 1/2011)
- [Orde do 21 de xaneiro de 2021 pola que se aproban os diferentes modelos de autoliquidación do imposto sobre sucesións e doazóns na Comunidade Autónoma de Galicia e se regulan o procedemento e as condicións para o seu pagamento e presentación, así como determinadas obrigacións formais e de subministración de información tributaria](#) (en diante Orde do 21 de xaneiro de 2021)
- [Lei 22/2009, do 18 de decembro, pola que se regula o sistema de financiamento das comunidades autónomas de réxime común e cidades con estatuto de autonomía e modifícanse determinadas normas tributarias](#) (en diante Lei 22/2009)
- [Lei 19/1995, do 4 de xullo, de modernización das explotacións agrarias](#) (en diante Lei 19/1995)

### Obxecto de declaración

Cédese á Comunidade Autónoma de Galicia o rendemento do imposto de doazóns producido no seu territorio.

Considérase producido no territorio da Comunidade Autónoma de Galicia o rendemento do imposto sobre doazóns dos suxeitos pasivos residentes en España:

- No caso das doazóns de bens inmobles, cando estes radiquen no territorio da Comunidade Autónoma de Galicia.

Para estes efectos, terán a consideración de doazóns de bens inmobles as transmisións a título gratuito dos valores a que se refire o artigo 314 do Real decreto legislativo 4/2015, do 23 de outubro, polo que se aproba el texto refundido da Lei do mercado de valores.



- No caso das doazóns dos demais bens e dereitos, no territorio onde o donatario teña a súa residencia habitual á data do devindicación.

Cando nun só documento fosen doados por un mesmo doador a favor dun mesmo donatario distintos bens ou dereitos e por aplicación das regras anteriores o rendemento deba entenderse producido en distintas comunidades autónomas, corresponderá a cada unha delas o que resulte de aplicar, ao valor dos doados cuxo rendemento se lle atribúe, o tipo medio que, segundo as súas normas, correspondería ao valor da totalidade dos transmitidos.

Cando cumpra realizar acumulacións, corresponderá á Comunidade Autónoma o rendemento que resulte de aplicar, ao valor dos bens e dereitos actualmente transmitidos, o tipo medio que, segundo as súas normas, correspondería ao valor da totalidade dos acumulados.

Para estes efectos, entenderase por totalidade dos bens e dereitos acumulados, os procedentes de acumulacións anteriores e os que son obxecto da transmisión actual.

Considerarase que o donatario residente en territorio español o é no territorio da Comunidade Autónoma de Galicia cando permanezan no seu territorio un maior número de días do período dos cinco anos inmediatos anteriores, contados de data a data, que finalice o día anterior ao de devindicación (artigo 28 da Lei 22/2009).

O modelo 651 utilizarase para a autoliquidación das adquisicións de bens e dereitos por doazón ou calquera outro negocio xurídico *inter vivos* (entre vivos) a título gratuito.

## Formas de presentación

A presentación poderá ser presencial ou electrónica.

- Presentación presencial:

1.- Mediante o modelo papel 651 previsto no anexo IV da Orde do 21 de xaneiro de 2021 que se poderá adquirir nas [oficinas de distrito hipotecario e estancos autorizados](#) para a súa venda.

2.- Mediante o modelo 651 obtido polo programa de axuda previsto na oficina virtual tributaria (OVT) da Axencia Tributaria de Galicia (Atriga) para cubrir a declaración sen que sexa preciso dispoñer de sinatura electrónica. Para estes efectos e unha vez introducidos os datos correspondentes, o sistema permitirá imprimir os exemplares do modelo 651 que serán válidos para a presentación do imposto [OV Tributaria→Cidadáns→Doazóns→Confección On-line].

- Presentación electrónica:

Précisase dispoñer de sinatura electrónica. A OVT da Atriga conta cun programa de axuda que, unha vez cubertos os datos, xera o modelo 651 para a súa presentación electrónica [OV Tributaria→Cidadáns→Doazóns→Presentación telemática].

Os modelos que se xeran a través da plataforma da OVT da Atriga terán a mesma validez e eficacia que os modelos en papel aprobados pola Orde do 21 de xaneiro de 2021.

A presentación electrónica das autoliquidacións e declaracións e, se é o caso, da documentación complementaria, prevista nesta orde ten carácter obrigatorio para as persoas ou entidades que, de acordo co que prevé o artigo 92 da Lei 58/2003, do 17 de decembro, xeral tributaria (en diante LXT), teñan a condición de colaboradores sociais na aplicación dos tributos e cumpran os requisitos e as condicións que estableza a normativa vixente.

Quedan exceptuadas do deber de presentación telemática as autoliquidacións relativas ao imposto sobre doazóns para as que o programa de axuda, que se atopa na OVT da Atriga, non permita a súa realización, entre outras, a presentación de complementarias, a doazón de bens cando non todos están na Comunidade Autónoma de Galicia, o usufruto simultáneo a favor de cónxuxes e o dereito de uso e habitación cando se constitúe xunto co dereito de usufruto.

De maneira excepcional e cando circunstancias extraordinarias así o aconsellen, logo de solicitude do interesado debidamente xustificada, a Dirección da Atriga, valoradas as razóns aducidas e a documentación e as probas achegadas pola persoa ou entidade interesada para xustificar a súa solicitude, poderá exceptuar aquela da obrigatoriedade de empregar os medios electrónicos para cumprir as obrigas tributarias reguladas na Orde do 21 de xaneiro de 2021.

A resolución fixará o alcance temporal da excepcionalidade e a forma e as condicións en que deberá cumprir as obrigacións tributarias, sen prexuízo das consecuencias que derivasen de acordo coa normativa tributaria, no caso de incumprimentos das normas.

### **Documentación complementaria**

Os obrigados tributarios deben presentar, xunto coa correspondente autoliquidación do modelo 651, o documento en que se conteña ou constate o feito imponible suxeito a gravame. Deberase presentar, se se trata de :

- Documentos notariais, copia autentica do documento.
- Documentos privados, o seu orixinal

No suposto de aplicarse as reducións na base imponible que se indican a continuación, xunto coa documentación anterior, deberá achegarse a seguinte:

#### **1. Redución pola adquisición de bens e dereitos afectos unha actividade económica e de participación en entidades.**

- i) Se é o caso, certificado ou resolución expedida polo órgano competente que acredite a situación de incapacidade permanente en grao absoluta ou grande invalidez do doador e a data de efectos de tal recoñecemento.
- ii) Ademais se se trata da adquisición de bens e dereitos afectos a unha actividade económica de arrendamento de inmobles:



- a) Contrato de traballo da persoa ou persoas contratadas, acompañado da xustificación da súa comunicación aos servizos públicos de emprego.
  - b) Nóminas ingresadas e xustificación dos pagos da cotización na Seguridade Social (TC-1 e TC-2).
  - c) Contratos de arrendamento e identificación dos arrendatarios.
- iii) Ademais se se trata da adquisición de participacións en entidades.
- a) Balance de situación da sociedade a data de devindicación, así como o último balance pechado e o último balance aprobado con anterioridade á data de devindicación sempre que a situación patrimonial da sociedade non sufrise variacións significativas entre a data deste balance e a de devindicación, o que deberán indicar.
  - b) Memoria da sociedade do exercicio anterior á devindicación do imposto.
  - c) Escritura de constitución e estatutos da sociedade e, se é o caso, das modificacións sociais ata a data de devindicación.
  - d) Certificación da participación no capital social do doador e, se procede, do cónxuxe, dos descendentes, dos ascendentes ou dos colaterais ata o sexto grao do transmisor, tanto por consanguinidade ou adopción como por afinidade, así como a valoración da devandita participación.
  - e) Certificado da entidade que acredite as funcións de dirección que realizaba na entidade o doador ou o membro do grupo de parentesco que exerce estas funcións.
  - f) Certificación das remuneracións do doador ou, se procede, do membro do grupo de parentesco, polas funcións de dirección na entidade, referido ao ano da transmisión e ao ano precedente, así como certificación do réxime en que se atopa incluída dita persoa na Seguridade Social.

## **2. Redución por adquisición de explotacións agrarias e Predios rústicas**

- a) No caso da redución prevista no artigo 8.5 do Decreto legislativo 1/2011
  - 1º. Se é o caso, certificado ou resolución expedida polo órgano competente que acredite a situación de incapacidade permanente en grao absoluta ou gran invalidez do doador e a data de efectos de tal recoñecemento.
  - 2º. Certificación expedida polo órgano competente que acredite que o transmisor na data de devindicación ten a condición de persoa agricultora profesional e que perde esa condición como consecuencia da doazón, e que a explotación agraria realizase efectivamente actividades agrarias e a persoa agricultora profesional mantivese tal condición durante un prazo superior a dous anos anteriores á data de devindicación do imposto.
- b) No caso das previstas na Lei 19/1995, do 4 de xullo, de modernización de explotacións agrarias.



Certificación expedida polo órgano competente que acredite, segundo os casos, que:

1º O transmisor é titular dunha explotación agraria prioritaria.

2º O adquirente é titular doutra explotación que sexa prioritaria e que non se altera a condición de prioritaria por esta adquisición ou que alcance esta consideración como consecuencia da adquisición.

3º O adquirente é o cónxuxe supérstite do transmisor ou é un agricultor novo ou un asalariado agrario e a transmisión realízase nos cinco anos seguintes á súa primeira instalación.

4º Coa adquisición complétase baixo un só linde a superficie suficiente para constituír unha explotación prioritaria.

5º Coa adquisición complétase baixo un só linde o cincuenta por cento, polo menos, da superficie dunha explotación cuxa renda unitaria de traballo estea dentro dos límites establecidos a efectos de concesión de beneficios fiscais para as explotacións prioritarias.

6º Os bens ou dereitos transmitidos constitúen unha explotación agraria ou unha parte desta na data de transmisión.

### 3. Redución por adquisición de bens do patrimonio histórico ou cultural.

- a) Declaración xenérica de ben de interese cultural, ou
- b) Copia da declaración individual como ben de interese cultural, ou
- c) certificación da Administración local onde se atope situado o ben que acredite que está incluído no recinto dun conxunto histórico, ten asignado un nivel de protección integral, está incluído no catálogo adxunto ao plan municipal e ten unha antigüidade igual ou superior a 50 anos.

## Pago

Cando da autoliquidación practicada resulte un importe para ingresar, con carácter previo á súa presentación e sen prexuízo da posibilidade de solicitar un aprazamento ou fraccionamento, os obrigados tributarios realizarán, no seu caso, o pago da débeda tributaria:

- Se o importe para ingresar é **igual ou inferior a 3.000 €**, nunha [entidade financeira colaboradora](#), mediante tarxeta de débito ou crédito no Terminal Punto de Venda (TPV) físico da [Delegación da Atriga](#) ou xiro postal nas Oficinas de Correos ou, no ámbito rural, a través dos carteiros rurais por medio de dispositivos PDAs.

As [Oficinas Liquidadoras de Distrito Hipotecario](#) e as [de Distrito Hipotecario](#) **NON** teñen TPV físico para realizar o pago nas oficinas.



- Se o importe é **superior a 3.000 €**, nunha **entidade financeira colaboradora** ou xiro postal nas Oficinas de Correos ou, no ámbito rural, a través dos carteiros rurais por medio de dispositivos PDAs.

Para a realización do pagamento empregarase como documento de ingreso o modelo 651.

**Pagamento por TPV físico.** Xerarase un recibo que o contribuínte deberá conservar, no que se identificará o importe, a data do ingreso, así como o NRC. O devandito documento servirá de xustificante de pago do número de autoliquidación impreso no mesmo.

**Pagamento en entidade colaboradora.** A entidade colaboradora quedará co seu exemplar e devolverá ao contribuínte o resto de exemplares co selo da entidade, a data do ingreso e o importe ingresado. O devandito documento servirá de xustificante de pago do número da autoliquidación impreso nel.

**Pagamento por xiro postal.** O pago deberá realizarse pola totalidade do importe a ingresar, sen que caiba a posibilidade de realizar ingresos parciais.

No momento do pagamento, Correos entregará ao usuario un resguardo do xiro postal. O pago considerarase efectuado na data en que o xiro postal sexa imposto, con independencia da data en que os fondos sexan ingresados na conta restrinxida de recadación.

Correos cobrará aos seus clientes as tarifas ou demais cantidades que teña estipuladas pola prestación do servizo de xiro que non se considerarán importes pagados á Administración e quedan excluídas da relación xurídica existente entre a persoa obrigada ao pagamento e a Atriga.

O pago por xiro postal non exime do deber de presentar ante a Administración a autoliquidación e demais documentación complementaria.

No caso de que na autoliquidación presentada se marcasse o recadro de aprazamento e fraccionamento ou o pagamento mediante entrega de bens do patrimonio histórico español, será necesario que o obrigado tributario presente ante a Atriga a súa solicitude expresa na forma, lugar e prazo e cos requisitos e consecuencias sinalados na normativa tributaria, sen que poida entenderse realizada a devandita solicitude coa mera presentación da autoliquidación co devandito recadro marcado.

### **Aprazamento/fraccionamento**

A normativa tributaria de recadación prevé a posibilidade de aprazar ou fraccionar o pago das débedas tributarias que se atopen en período voluntario ou executivo cando a situación económico-financiera do obrigado tributario impídalle, de forma transitoria, efectuar o pago no prazo establecido pola normativa, co pagamento dos intereses de demora correspondentes.

Para solicitar o aprazamento ou fraccionamento da débeda, tense que presentar unha solicitude acompañada da documentación necesaria para identificar a débeda e, no seu caso, a garantía correspondente, xunto coa proposta dun calendario de ingresos e a documentación que xustifique a existencia de dificultades económicas.



Non se esixirá ningún tipo de garantía cando o importe total das débedas dun mesmo debedor non supere os 30.000 euros (Orde HAP/347/2016, de 11 de marzo).

A solicitude pode presentarse de xeito:

- **Presencial**, mediante escrito ou [modelo normalizado](#), nos rexistros da Xunta de Galicia ou por calquera outro dos medios que indica o apartado 4 do artigo 16 da Lei 39/2015, do 1 de outubro, do Procedemento Administrativo Común das Administracións Públicas.
- **Telemático**:
  - Pola **OVT** (certificado dixital ou DNI electrónico) xa sexa como cidadán ou colaborador social a través do apartado de Solicitudes → Aprazamentos/fraccionamentos de débedas.
  - Pola **Sede electrónica da Xunta de Galicia** (certificado dixital, DNI electrónico ou Chave) polo procedemento PR004A

A solicitude deberá dirixirse ao [Departamento de Recadación da Delegación da Axencia Tributaria de Galicia](#) á que corresponda a tramitación do imposto. Se a xestión do imposto corresponde ás [Oficinas Liquidadoras do Distrito Hipotecario da Coruña](#) a solicitude dirixirase ao [Departamento de Recadación desa Delegación](#).

### Lugar de presentación

A presentación presencial realizarase na [delegacións territoriais da Atriga, así como nas oficinas de distrito hipotecario](#) que teñan encomendada para a recepción das devanditas autoliquidacións e declaracións, con independencia de que non teñan atribuídas competencias para a aplicación dos tributos respecto a elas, devolvéndose ao obrigado tributario os xustificantes da presentación.

Unha vez dixitalizada a autoliquidación e a documentación complementaria devolverase á persoa interesada cos xustificantes de presentación.

Para a presentación presencial requírese [cita previa](#) que poderá solicitar no servizo habilitado

### Prazo de presentación

O prazo para o ingreso e a presentación das autoliquidacións e declaracións e, se é o caso, a documentación complementaria, será o seguinte:

- a) O prazo será dun mes, a contar desde o día seguinte a aquel en que se cause o acto ou contrato.
- b) No caso de consolidacións do dominio nu propietario por falecemento do usufrutuário cando deban tributar polo imposto sobre sucesións e doazóns, aínda que a desmembración do dominio realizácese por actos *inter vivos* (entre vivos), o



prazo será de seis meses a contar desde o día do falecemento do usufrutuario ou desde aquel en que adquira firmeza a declaración de falecemento.

- c) Nos demais supostos, o prazo será dun mes, contado desde o día seguinte a aquel en se cause o acto ou contrato.

O prazo concluirá o día no que tivo lugar o acto, contrato ou o día de falecemento do usufrutuario no mes de vencemento. Se no mes do vencemento non houbera día equivalente a aquel en que comeza o cómputo, entenderase que o prazo expira o último día do mes.

Cando o último día do prazo sexa inhábil (sábado, domingo ou festivo), entenderase prorrogado ao primeiro día hábil seguinte. Cando un día fose hábil no municipio ou comunidade autónoma en que residise o interesado, e inhábil na sede da oficina xestora competente para a tramitación do procedemento derivado da autoliquidación, ou á inversa, considerarase inhábil en todo caso.

Salvo que especificamente se estableza outra cousa, cando con posterioridade á aplicación dun beneficio fiscal prodúzase a perda do dereito á súa aplicación por incumprimento dos requisitos a que estivese condicionado, deberase presentar e ingresar a autoliquidación complementaria correspondente no prazo dun mes contado desde o día en que se produciu o incumprimento. A regularización que se practique incluírá a parte do imposto que se deixe de ingresar como consecuencia da aplicación do beneficio fiscal, así como os xuros de mora.

Os xustificantes de pagamento e presentación producirán os efectos liberatorios para coa Facenda da Comunidade Autónoma sinalados no Real decreto 939/2005, do 29 de xullo, polo que se aproba o Regulamento xeral de recadación, e servirán de acreditación da presentación e pagamento da autoliquidación ante os rexistros públicos nos que poidan inscribirse os documentos que incorporen o feito ou negocio que motivou o pagamento do imposto.

Os obrigados tributarios deberán conservar os xustificantes de pagamento e presentación.

## **NORMAS PARA CUBRIR O MODELO**

Este impreso deberá cubrirse a máquina ou utilizando bolígrafo, sobre superficie dura e con letras maiúsculas.

- (1)** Consigne a delegación da Axencia Tributaria de Galicia e, se é o caso, a oficina liquidadora de distrito hipotecario, así como os seus respectivos códigos. Só a Delegación da Coruña ten oficinas liquidadoras de distrito hipotecario (OLDH), para o resto de delegacións o apartado de oficina liquidadora de distrito hipotecario quedará en branco.

DELEGACIÓNS DA AXENCIA TRIBUTARIA DE GALICIA	Código
A Coruña	15
Lugo	27
Ourense	32
Pontevedra	36
Vigo	54

OFICINA LIQUIDADORA DE DISTRITO HIPOTECARIO	Código	OFICINA LIQUIDADORA DE DISTRITO HIPOTECARIO	Código
Arzúa	1	Noia	11
Betanzos	2	Ordes	12
Carballo	3	Padrón	13
Corcubión	4	Pontedeume	14
Ferrol	8	Ortigueira	15
Muros	9	Santiago de Compostela	23
Negreira	10		

- (2) **Suxeito pasivo.** Cubra os datos de identificación do suxeito pasivo.
- (3) **Devindicación.** Consigne en expresión numérica a data na que se cause ou celebre o acto ou contrato que orixine a esixibilidade do imposto, utilizando dous díxitos para o día, dous para o mes e os catro díxitos para o ano (se a cifra ten un só díxito consígnea precedida de cero)
- (4) **Data de nacemento.** Consigne a data de nacemento do suxeito pasivo.
- (5) **Parentesco.** Consigne o parentesco do suxeito pasivo co doador.
- (6) **Grupo.** Consigne o número do grupo en función do seguinte cadro:

Grupo I: Descendentes e adoptados, que sexan menores de 21 anos.
Grupo II: Descendentes e adoptados de 21 ou máis anos, cónxuxes, ascendentes e adoptantes.
Grupo III: Colaterais de segundo e terceiro grao, ascendentes e descendentes por afinidade.
Grupo IV: Colaterais de cuarto grao, graos máis distantes e estraños.

O artigo 12 do Decreto legislativo 1/2011 dispón que equipáranse ao matrimonio as unións de dúas persoas maiores de idade, capaces, que convivan coa intención ou



vocación de permanencia nunha relación de afectividade análoga á conxugal e que a inscriban no Rexistro de Parellas de Feito de Galicia, expresando a súa vontade de equiparar os seus efectos aos do matrimonio.

- (7) Patrimonio preexistente.** Consigne en cifras a contía do patrimonio preexistente do suxeito pasivo, valorado na data de devindicación do imposto sobre doazóns conforme ás normas do imposto sobre patrimonio e tendo en conta as regras do artigo 22.3 da LISD. Se non excede de 402.678,11 € será suficiente con consignar a expresión "INFERIOR A 402.678,11 euros".
- (8) Doador.** Consigne os datos do doador (transmisor do ben ou dereito)
- (9) Representante.** Consigne os datos do representante
- (10) Consolidación de dominio.** Marque cunha "X" o recadro cando a autoliquidación consista nunha consolidación de dominio. Deberá cubrir o NIF da persoa usufrutuaria e no apartado "Nº expediente" o número do expediente correspondente á adquisición da núa propiedade.
- (11) Declaración complementaria.** Marque cunha "X" se se trata dunha declaración complementaria doutra presentada con anterioridade. No apartado "Nº expediente" indique o número do expediente da declaración presentada con anterioridade

## **(12) Datos do documento**

*Tipo.* Marque cunha "X" o recadro que corresponda segundo o tipo de documento: privado, xudicial ou notarial.

*Identificación do notario, fedetario, ou autoridade xudicial.* Se o documento é notarial consigne o nome e apelidos do notario; se é xudicial indique a autoridade xudicial que o emite.

*Localidade de formación-outorgamento.* Indique a localidade de outorgamento ou formalización do documento

*Protocolo.* Indique o ano e o número do protocolo.

## **Autoliquidación**

**[01] Valor de bens e dereitos.** Consigne o valor dos bens e dereitos adquiridos por doazóns e demais transmisións lucrativa *inter vivos* (entre vivos) equiparables.

A efectos deste imposto, considerarase valor dos bens e dereitos o seu valor de mercado, salvo que resulte de aplicación algunha da regras contidas nos apartados do artigo 9 ou nos artigos seguintes da LISD.

Entenderase por valor de mercado o prezo máis probable polo cal podería venderse, entre partes independentes, un ben libre de cargas.

Con todo, se o valor declarado polos interesados é superior ao valor de mercado, esa magnitude tomarase como base impositiva.

No caso dos bens inmobles, o seu valor será o valor de referencia previsto na normativa reguladora do catastro inmobiliario, á data de devindicación do imposto.

Con todo, se o valor do ben inmovible declarado polos interesados é superior ao seu valor de referencia, tomarase aquel como base imponible.

Cando non exista valor de referencia ou este non poida ser certificado pola Dirección Xeral do Catastro, a base imponible, sen prexuízo da comprobación administrativa, será a maior das seguintes magnitudes: o valor declarado polos interesados ou o valor de mercado.

Pode consultar o valor de referencia <https://www.sedecatastro.gob.es/>

**Para feitos impositivos anteriores ao 1 de xaneiro de 2022 ou posteriores** que teñan por obxecto actos ou contratos sobre **bens inmobles que non contén con valor de referencia**, a administración informará do valor a efectos fiscais dos inmobles que, situados no territorio da súa competencia, vaia a ser obxecto de adquisición ou transmisión por algún dos seguintes medios:

- Se á data de devindicación, o ben está incluído dentro do ámbito de aplicación das Ordes ditadas pola Comunidade Autónoma ao amparo do disposto nas letras b), c) e e) do artigo 57.1 da LXT que desenvolven os medios de comprobación do valor dos bens inmobles, vostede ten á súa disposición unha ferramenta de valoración na web [www.atriga.gal](http://www.atriga.gal).
- Se á data de devindicación, o ben está excluído do ámbito de aplicación das Ordes que desenvolven os medios de comprobación do valor dos bens inmobles, en virtude do disposto no artigo 90 da LXT, vostede poderá solicitar a valoración do ben á unidade de valoración da Axencia Tributaria de Galicia que sexa competente pola situación deste por medio dos formularios á súa disposición en [www.atriga.gal](http://www.atriga.gal) no menú Valoración de bens → Bens inmobles → Sistema presencial. Deberá achegarse o xustificante de pago da taxa correspondente segundo o disposto no artigo 26 do Decreto Legislativo 1/2011.

A Administración poderá comprobar o valor dos bens e dereitos transmitidos polos medios de comprobación establecidos no artigo 57 da Lei 58/2003, do 17 de decembro, Xeral Tributaria.

As doazóns con causa onerosa e as remuneratorias tributarán polo seu importe total; con todo, se se establecesen mutuas prestacións ou se impuxese algún gravame ao donatario, tributarán como doazón soamente pola diferenza.

**[03] Exencións.** Consigne as exencións aplicables.

**[07] Cargas deducibles.** Consigne unicamente as cargas ou gravames que aparezan directamente establecidas sobre os bens e diminúan realmente o seu capital ou valor, como os censos e as pensións (Artigos 16 LISD e 36.1 RISD).

**[08] Débedas deducibles.** Consigne só as débedas que estivesen garantidas con dereitos reais que recaían sobre os mesmos bens transmitidos, se o adquirente asumiu, de forma fidedigna o deber de pagar a débeda garantida con liberación do primitivo debedor.

**[11] Valor neto** Consigne a diferenza entre o recadro [1] e a suma dos recadros [03], [07] e [08]

**[23] Base imponible.** Consigne o resultado do recadro [11].

**[24] Total de reducións.** Consigne a suma das seguintes reducións:

**[24.a] Redución autonómica por adquisición de empresa individual ou participacións** (artigo 8.catro do Decreto legislativo 1/2011)

**[24.b] Redución estatal por adquisición de empresa individual ou participacións** (artigo 20.6 da Lei 29/1987)

**[24.c] Redución por patrimonio histórico** (artigo 20.7 da Lei 29/1987)

**[24.d] Redución por vivenda habitual** (artigo 8.tres do Decreto legislativo 1/2011)

**[24.e] Redución por explotación** (artigo 8.cinco do Decreto legislativo 1/2011)

**[24.f] Reducións da Lei 19/1995** (Lei 19/1995)

**[24.g] Outras reducións.** Inclúranse neste apartado, entre outras:

*Redución por adquisición de predios forestais de superficie de xestión e comercialización conxunta* (artigo 8.sete do Decreto legislativo 1/2011)

*Redución por adquisición de bens para creación ou constitución dunha empresa ou negocio profesional* (artigo 8.oito do Decreto legislativo 1/2011)

*Redución por adquisición de predios rústicos* (artigo 8.nove do Decreto legislativo 1/2011)

**Incompatibilidade das reducións** (artigo 8.un do Decreto legislativo 1/2011)

As reducións autonómicas son propias da comunidade autónoma e serán incompatibles, para unha mesma adquisición, entre si e coa aplicación das reducións reguladas na Lei 29/1987, do 18 de decembro, do imposto sobre sucesións e doazóns, ou coas reguladas en leis especiais en relación con este imposto, sempre que fosen establecidas en consideración á natureza do ben obxecto daquelas.

**Base das reducións** (artigo 8.Dous do Decreto Legislativo 1/2011)

Nas reducións aprobadas polo Decreto Legislativo 1/2011 a porcentaxe de redución aplicarase sobre o resultado de deducir do valor do ben ou dereito o importe das cargas e gravames que contempla o artigo 12 da LISD, así como a parte proporcional do importe das débedas e gastos que sexan deducibles de acordo co artigo 17 da mesma lei, sempre que estes últimos tiveronse en conta na fixación da base imponible individual do donatario.

**Solicitud de beneficios fiscais** (artigo 23 do Decreto legislativo 1/2011)

Os beneficios fiscais aprobados pola Comunidade Autónoma de Galicia que dependan do cumprimento polo contribuínte de calquera requisito nun momento posterior ao

devindicación non se aplicarán de oficio, habendo de solicitarse expresamente polo contribuínte no período regulamentario de presentación da declaración do imposto, practicándose devanditos beneficios fiscais na correspondente autoliquidación.

No caso de declaración extemporánea sen requirimento previo, a solicitude deberá realizarse na presentación da declaración, practicándose os devanditos beneficios fiscais na correspondente autoliquidación.

No caso de que na autoliquidación presentada non se aplicaron os citados beneficios fiscais, non poderá rectificarse con posterioridade en canto á aplicación do beneficio fiscal, salvo que a solicitude de rectificación presentouse no período regulamentario de declaración.

A ausencia de solicitude do beneficio fiscal dentro do prazo regulamentario de declaración ou a súa non aplicación na autoliquidación entenderase como unha renuncia á aplicación do mesmo.

### **Incumprimento dos beneficios** (artigo 23 do Decreto Lexislativo 1/2011)

En caso de incumprimento dos requisitos que haxa de cumprir con posterioridade a devindicación do imposto, deberá ingresarse a cantidade derivada do beneficio fiscal xunto cos xuros de demora. Para estes efectos, o suxeito pasivo deberá practicar a correspondente autoliquidación e presentala no prazo sinalado na norma que regula o beneficio fiscal, a computar desde o momento en que se incumprisen os requisitos. Cando a norma que regula o beneficio fiscal non estableza un prazo, o ingreso e presentación da autoliquidación farase dentro do prazo regulamentario de declaración establecido nas normas reguladoras de cada tributo.

**[27] Base liquidable** Consigne o resultado da diferenza entre o recadro [23] e o recadro [24]

**Recadro para cubrir soamente nos supostos de acumulacións, adquisición da núa propiedade, extinción do usufruto ouo regulado no artigo 32.2 da Lei 22/2009** procederase do seguinte modo:

**[22] Acumulación doazóns e pactos sucesorios anteriores.** Consigne a suma dos valores declarados ou comprobados pola administración de doazóns e demais transmisións inter vivos equiparables, así como as adquisicións producidas en vida do causante como consecuencia de contratos e pactos sucesorios formalizados entre as mesmas persoas, todas elas dentro do prazo de tres anos, a contar desde a data de cada unha consideraranse como unha soa transmisión para os efectos da liquidación do imposto.

### **[13] Base liquidable teórica**

1. Adquisicións inter vivos de bens en núa propiedade. O adquirente consignará no recadro [13] o resultado de sumar ao valor do pleno dominio dos bens adquiridos en núa propiedade (suma do valor do usufruto e da núa propiedade dos bens adquiridos



ou da porcentaxe dos mesmos que lle corresponda) o valor do adquirido en plena propiedade. Ao resultado obtido réstaselle o total das reducións ás que se tería dereito se adquirise os bens en pleno dominio.

**Exemplo:** Xosé, de 70 anos, doou ao seu fillo Santiago a núa propiedade dun inmovible, valorado en 450.000 €, e 100.000€.

Valor do usufruto;  $450.000 * [89 - 70 \text{ (idade da usufrutuaria)}] / 100 = 85.500€$

Valor da núa propiedade;  $450.000 - 85.500 = 364.500 €$

Liquidación do herdeiro

Basee liquidable;  $364.500 + 100.000 = 464.500$

Base liquidable teórica;  $450.000 + 100.000 = 550.000$

2. Doazóns acumulables Acumulacións de doazóns e contratos e pactos sucesorios (artigo 30 LISD). As doazóns e demais transmisións "inter vivos" (entre vivos) equiparables que se outorguen por un mesmo doante a un mesmo donatario, así como as adquisicións producidas en vida do causante como consecuencia de contratos e pactos sucesorios formalizados entre as mesmas persoas, todas elas dentro do prazo de tres anos, a contar desde a data de cada unha, consideraranse como unha soa transmisión para os efectos da liquidación do imposto. Para determinar a cota tributaria aplicarase, á base liquidable da actual adquisición, o tipo medio correspondente á base liquidable teórica do total das adquisicións acumuladas..

Para estes efectos entenderase por base liquidable teórica do total das adquisicións acumuladas, a suma das bases liquidables das doazóns e demais transmisións "inter vivos" (entre vivos) equiparables anteriores, así como das adquisicións producidas en vida do causante como consecuencia de contratos e pactos sucesorios formalizados entre as mesmas e a da adquisición actual.

Os bens e dereitos que se acumulan computaranse polas bases liquidables declaradas ou comprobadas pola administración no seu día, aínda que variase no momento da acumulación.

**Exemplo 1:**

Gonzalo doou, no ano 2019, á súa filla Uxía unha vivenda en Ourense, valorada en 120.000€.

*Imposto de doazóns ano 2019*

Base liquidable e base liquidable teórica sería: 120.000€

No ano 2021, Gonzalo doa á súa filla Uxía, titular dunha explotación prioritaria, unha leira rústica valorada en 100.000 € que vai destinar á súa actividade

*Imposto de doazóns ano 2021*

Base liquidable da actual adquisición;  $100.000 - (75\% * 100.000)(1) = 25.000€$



Recadro 22 (Acumulación de doazóns e pactos sucesorios anteriores):  
120.000€

Recadro 13 (Base liquidable teórica)  $120.000€ + 25.000€ = 145.000€$

(1) Redución do 75% do artigo 11 da Lei 19/1995, do 4 de xullo, de Modernización das Explotacións Agrarias.

### Exemplo 2:

Pedro doa 60.000 € ao seu fillo en 2019 para destinar á adquisición de vivenda habitual. Aplícase a redución do 95% que contempla a lei para esa finalidade.

*Imposto de doazóns ano 2019*

Base liquidable e a base liquidable teórica sería:  $60.000 - 60.000 \times 95\% = 3.000€$

No ano 2020 Pedro entrégalle ao seu fillo mediante pacto sucesorio a núa propiedade dun inmovible de valor total 1.100.000 €, reservándose o usufruto que era do 10%. Valor da núa propiedade: 990.000 €.

*Imposto de sucesións ano 2020*

Base liquidable do pacto sucesorio:  $990.000 - 990.000$  (redución de parentesco) = 0

Base liquidable teórica do pacto sucesorio:  $1.100.000 - 1.000.000$  (redución de parentesco) = 100.000 €

Neste momento, setembro de 2021, Pedro dóalle ao seu fillo o pleno dominio dun inmovible valorado en 200.000 €. Non ten dereito a ningunha redución.

*Imposto de doazóns ano 2021*

Base liquidable da actual adquisición é: 200.000 €.

Recadro 22 (Doazóns e pactos sucesorios acumulables):  
 $3.000 + 100.000 = 103.000€$ .

Recadro 13 (Base liquidable teórica):  $103.000 + 200.000 = 303.000€$

3. Cando concorran nunha mesma doazón e demais transmisións *inter vivos* (entre vivos) equiparables, adquisición de núa propiedade e acumulacións, calcularase unha base liquidable teórica tendo en conta os apartados 1 e 2 anteriores para obter o tipo medio efectivo de gravame e determinar a cota tributaria que correspondería á base liquidable da doazón.
4. Cando se extinga o usufruto e consolídese o dominio no nó propietario non se consignará cantidade algunha nos recadros [13] e [14], unicamente consignarase no recadro [15] o tipo medio efectivo de gravame que resultou na adquisición da núa propiedade.

**[14] Cota.** Consigne o resultado de aplicar á base liquidable teórica, recadro [13], a tarifa do imposto (recadro [30]).

**[15] Tipo medio. efect gravame.** Calcule o tipo medio efectivo de gravame (tal e como indica o modelo [14] \* 100 / [13]) e consigne este con inclusión de ata dous decimais

**[30] Cota íntegra.** No caso de que non se adquira a núa propiedade, non se extinga o usufruto ou non procedan acumulacións, aplique directamente a tarifa correspondente que figura nos cadros seguintes á cantidade consignada no recadro [27] segundo o grupo en que estea incluído o suxeito pasivo e consigne o resultado da suma das cantidades obtidas:

- a) Sempre que os suxeitos pasivos estean incluídos nos grupos I e II do artigo 6.dous do Decreto legislativo 1/2011 e a doazón formalícese en escritura pública, aplicarase a tarifa seguinte:

BASE LIQUIDABLE Ata euros	COTA ÍNTEGRA Euros	RESTO BASE LIQUIDABLE Ata euros	TIPO APLICABLE Porcentaxe
0	0	200.000	5%
200.000	10.000	400.000	7%
600.000	38.000	En diante	9%

- b) Sempre que os suxeitos pasivos estean incluídos nos grupos I e II do artigo 6.dous do Decreto legislativo 1/2011 e a doazón non se formalice en escritura pública, aplicarase a tarifa seguinte:

BASE LIQUIDABLE Ata euros	COTA ÍNTEGRA Euros	RESTO BASE LIQUIDABLE Ata euros	TIPO APLICABLE Porcentaxe
0,00	0	50.000	5%
50.000	2.500	75.000	7%
125.000	7.750	175.000	9%
300.000	23.500	500.000	11%
800.000	78.500	800.000	15%
1.600.000	198.500	en diante	18%

- c) Sempre que os suxeitos pasivos estean incluídos nos grupos III e IV do artigo 6.dous do Decreto legislativo 1/2011, será aplicable a tarifa seguinte:

BASE LIQUIDABLE Ata euros	COTA ÍNTEGRA Euros	RESTO BASE LIQUIDABLE Hasta euros	TIPO APLICABLE Porcentaxe
0,00	0,00	7.993,46	7,65%
7.993,46	611,50	7.987,45	8,50%
15.980,91	1.290,43	7.987,45	9,35%

BASE LIQUIDABLE Ata euros	COTA ÍNTEGRA Euros	RESTO BASE LIQUIDABLE Hasta euros	TIPO APLICABLE Porcentaxe
23.968,36	2.037,26	7.987,45	10,20%
31.955,81	2.851,98	7.987,45	11,05%
39.943,26	3.734,59	7.987,46	11,90%
47.930,72	4.685,10	7.987,45	12,75%
55.918,17	5.703,50	7.987,45	13,60%
63.905,62	6.789,79	7.987,45	14,45%
71.893,07	7.943,98	7.987,45	15,30%
79.880,52	9.166,06	39.877,15	16,15%
119.757,67	15.606,22	39.877,16	18,70%
159.634,83	23.063,25	79.754,30	21,25%
239.389,13	40.011,04	159.388,41	25,50%
398.777,54	80.655,08	398.777,54	29,75%
797.555,08	199.291,40	en diante	34,00%

No caso de que se adquira a núa propiedade, extíngase o usufruto ou procedan acumulacións, consignarase neste recadro o resultado de multiplicar o importe que figura no recadro [27] pola porcentaxe que resulte no recadro [15]

**[31] Coeficiente.** Sinalo o coeficiente que corresponda segundo o seguinte cadro, en función do grupo de parentesco e do patrimonio preexistente consignados nas notas (5) e (6).

PATRIMONIO PREEXISTENTE-EUROS	I e II	III	IV
De 0 a 402.678,11	1	1,5882	2,0000
De máis de 402.678,11 a 2.007.380,43	1	1,6676	2,1000
De máis de 2.007.380,43 a 4.020.770,98	1	1,7471	2,2000
Máis de 4.020.770,98	1	1,9059	2,4000



**[32] Cota tributaria.** A cota tributaria será o resultado de multiplicar a cota íntegra, recadro [30], polo coeficiente, recadro [31].

**[33] Deduc. exceso cota.** Consigne o exceso de cota resultante de aplicar o previsto no artigo 22.2 da LISD: "Cando a diferenza entre a cota tributaria obtida pola aplicación do coeficiente multiplicador que corresponda e a que resultaría de aplicar á mesma cota íntegra o coeficiente multiplicador inmediato inferior sexa maior que a que exista entre o importe do patrimonio preexistente tido en conta para a liquidación e o importe máximo do tramo de patrimonio preexistente que motivaría a aplicación do citado coeficiente multiplicador inferior, aquela reducirase no importe do exceso".

Esta dedución non será de aplicación cando o coeficiente (recadro [31]) sexa igual a 1.

**[34] Cota tributaria axustada.** Consigne o resultado da diferenza entre o recadro [32] e o recadro [33].

**[35] Deducción doble imposición internacional.** Cando o contribuínte estea suxeito ao imposto por obriga persoal, poden deducir a menor das dúas cantidades seguintes:

- a) O importe efectivo do satisfeito no estranxeiro por razón de imposto similar, que afecte o incremento patrimonial sometido a gravame en España.
- b) O resultado de aplicar o tipo medio efectivo deste imposto ao incremento patrimonial correspondente a bens que radiquen ou dereitos que poidan ser exercidos fóra de España, cando fosen sometidos a gravame no estranxeiro por un imposto similar.

**[36] Deducción de cotas anteriores e outras deducións.** Consignarase as cotas ingresadas anteriormente polo suxeito pasivo por liquidacións previas nos supostos de liquidacións complementarias.

Neste recadro consignarase tamén a dedución prevista no artigo 26 do Decreto legislativo 1/2011. Os suxeitos pasivos que solicitasen valoración previa ao amparo do artigo 90 da LXT, pagada a taxa correspondente e presentada a valoración xunto coa declaración do imposto, poderán deducir da cota tributaria o importe satisfeito pola taxa.

**[37.a] Recarga.** Neste recadro poderase consignar a recarga prevista no artigo 27 da LXT para o caso de declaración extemporánea (declaración presentada fóra de prazo sen requirimento previo da administración). A recarga será unha porcentaxe igual ao 1 por cento máis outro 1 por cento adicional por cada mes completo de atraso con que se presente a autoliquidación respecto ao termo do prazo establecido para a presentación e ingreso.

A devandita recarga calcularase sobre o importe para ingresar resultante das autoliquidacións extemporáneas e excluírá as sancións que puidesen esixirse e os intereses de demora devindicados ata a presentación da autoliquidación ou declaración.

Se a presentación da autoliquidación ou declaración efectúase unha vez transcorridos 12 meses desde o termo do prazo establecido para a presentación, a recarga será do 15 por cento e excluírá as sancións que puidesen esixirse. Nestes casos, esixíranse os intereses de demora [37 b]

O importe das recargas reducirase no 25 por cento sempre que se realice o ingreso total do importe restante da recarga no prazo do apartado 2 do artigo 62 de LXT aberto coa notificación da liquidación da devandito recarga e sempre que se realice o ingreso total do importe da débeda resultante da autoliquidación extemporánea ao tempo da súa presentación ou sempre que se realice o ingreso no prazo ou prazos fixados no acordo de aprazamento ou fraccionamento da devandita débeda que a Administración tributaria houberse concedido con garantía de aval ou certificado de seguro de caución e que o obrigado ao pago solicítase ao tempo de presentar a autoliquidación extemporánea (artigo 27.5 LXT)

**[37.b] Xuros por recarga.** Se a presentación da autoliquidación efectúase unha vez transcorridos 12 meses desde o termo do prazo establecido para a súa presentación, neste recadro poderase consignar os xuros de mora polo período transcorrido desde o día seguinte ao termo dos 12 meses posteriores á finalización do prazo establecido para a presentación ata o momento en que a autoliquidación presentouse (parágrafo segundo do artigo 27.2 da LXT)

**[37] Total recarga.** Consigne a suma dos recadros [37.a] e [37.b]

**[38] Total a ingresar.** Consigne o resultado da diferenza entre a suma dos recadros [34] e [37] e a suma dos recadros [35] e [36].

## Pago

**Recadro [I]. IMPORTE INGRESADO.** Se ingresa todo ou parte, marque cunha "X" o recadro e indique a cantidade que ingresa.

**Recadro [A]. Aprazamento/fraccionamento.** Se solicita aprazamento/fraccionamento, en todo ou en parte, marque cunha "X" o recadro aprazamento/fraccionamento. Neste caso, deberá presentar unha solicitude de aprazamento/fraccionamento na oficina competente dentro do prazo de presentación do imposto. En caso contrario, iniciarase o procedemento de constrinximento.

En ningún caso entenderase presentada a solicitude de aprazamento/fraccionamento pola simple presentación deste modelo. Marcando este recadro comunica á Administración que vai presentar unha solicitude de aprazamento/fraccionamento da débeda tributaria á que se refire o impreso

**Recadro [R]. Recoñecemento de débeda.** Indicando un importe neste recadro comunica á administración que recoñece a existencia dunha débeda derivada da autoliquidación presentada polo devandito importe e que non fai efectivo neste momento. Transcorrido o prazo voluntario de pagamento da débeda sen facer efectivo o seu importe, esixiráselle por vía de constrinximento na condicións establecida na normativa tributaria. Se con posterioridade se desexa facer o pago, este modelo NON será un documento de pago válido. O documento de pago deberá obterse na delegación ou Oficina Liquidadora de Distrito Hipotecario correspondente.



**Recadro [P]. Pagamento con bens PHE.** Indicando un importe neste recadro comunica á Administración que vai presentar unha solicitude de pagamento da débeda tributaria mediante a entrega de bens de patrimonio histórico español

### **Firma e data**

O documento deberá ir asinado polo suxeito pasivo ou polo seu representante. Indique a data

Cuberta a autoliquidación e, se é o caso, unha vez realizado o ingreso na entidade colaboradora, deberá proceder á súa presentación nas oficinas xestoras da Axencia Tributaria de Galicia [véxase lugar de presentación] xunto coa documentación indicada e nos prazos sinalados.

### **Devolución de ingresos indebidos e rectificación de autoliquidacións**

Cando un obrigado tributario entenda que unha autoliquidación formulada por el prexudicase de calquera modo os seus intereses lexítimos ou dese lugar á realización dun ingreso indebido, poderá, de conformidade co artigo 120 da LXT, rectificar a autoliquidación e, se é o caso, instar a devolución do indebidamente ingresado de acordo co artigo 221 da devandita Lei. As solicitudes de rectificación poderán facerse unha vez presentada a correspondente autoliquidación e antes de ter practicada a administración a liquidación definitiva ou, na súa falta, de prescribir o dereito da administración para determinar a débeda tributaria mediante a oportuna liquidación ou o dereito á devolución do ingreso indebido e tramitarse de acordo co artigo 126 e seguintes do Real decreto 1065/2007, polo que se aproba o Regulamento xeral das actuacións e os procedementos de xestión e inspección tributaria e de desenvolvemento das normas comúns dos procedementos de aplicación dos tributos.